

իրաւունք չունեն, այն պատճառով, որ կարճապղծւի և այդ պէտք է վերագրել պարսիկ խաների մոլեռանդ ոգուն, որով նրանք արտայայտում են իրենց ծայրայեղ ատելութիւնը դէպի գիւղացիները:

№	Կ Ա Ր Գ Ե Ր	Շունչ
1	Աղքատ	30
2	Չունեոր	10
3	Միջակ	100
4	Ունեոր	23
5	Հարուստ	10
Ընդամենը		173

Այստեղի հայ գիւղացիութիւնը վերջին տասը տարիների ընթացքում ենթակայ է զրկանքների ու հարստահարութիւնների աւազակային վամպիրների կողմից, որոնք սարերից ցած գալով սարսափ են տարածում խաղաղ, անպաշտպան գիւղացիութեան վրայ և նրան տնտեսապէս կազմալուծում և քայքայում: Այս տխուր իրականութեան վրայ աւելացնենք և աղաների կամայականութիւնները, որով լրացրած կլինենք պատկերը:

Երբ ուղեկցիս հետ հեռանում էինք գիւղից, նա ցոյց տւեց ինձ մի տարօրինակ տեսարան.

— Տեսնո՞ւմ էք դրանց, պարոն վարժապետ, աղայի ձիերն են, որ արածում են հայի արտում:

— Ի՞նչ ես ասում, մի՞թէ . . .

— Հապա ինչ, խիղճ չունեն պարոն վարժապետ, խիղճ, դէ արիք այսպիսի տեղում սպրէք:

Ես ծանր տպաւորութիւնների տակ շարունակեցի ճանապարհս:

Չ Ի Գ Ա Ն

Ղալամելիքից դէպի հիւսիս, քառորդ ֆարսախ հեռաւորութեան վրայ փռւած է պարսկա-հայաբնակ Զիգան գիւղը, որն ունի 29 տուն 186 շնչով, որի 98-ը արական է և 88-ը